

乾初先生遺集

陳確乾初先生傳

見海昌備志第三十卷

陳確

字乾初又字非元號確夫初名道永邑諸生早見知於許同生令典目爲任道器後與祝開美淵游戢山劉氏之門

奉滇獨之教乙酉後靜修山中幾二十年足不入城市

大學辨四卷

見渤海著錄經義考作一卷並

云存餘聞作一篇

朱氏彝尊曰乾初戢山高弟講學海

濡晚著大學辨一篇其畧曰子言之矣下學而上達易稱

蒙養即聖功學何大小之有論語二十篇於易詩書禮樂三致意焉而不及大學小戴置其篇於深衣投壺之後垂

二千餘年莫有以爲聖經者而程氏始目爲孔氏之遺書又疑其錯簡而變易其文朱子又變易程氏之文且爲之

補傳以絕無證據之言強以爲聖經尊之論語之上即其篇中兩引夫子之言則自聽訟兩節而外皆非夫子之言

可知一引曾子之言則自十目一節而外皆非曾子之言可知乃自漢至宋並無一人稱是孔曾之書謂二千年來

無一學人吾不信也於時聞者皆駭桐鄉張履祥考夫山陰劉灼伯繩仁和沈蘭先甸華海鹽吳蕃昌仲木交移書

爭之而乾初不顧具言大學言知不言行格致誠正之功
先後失其倫序且以朱子補傳一旦豁然貫通近於禪學
也 宜仍還戴記其言雖弗於衆心然其人不失爲躬行君子
也 張楊園與吳袁仲書云乾兄大學之辨竊以爲疑非

孔曾親授之書則可謂非聖人之學之所傳則不可弟乾
兄學問得力於姚江而於洛閩之書蓋嘗讀焉而未詳也

葬書四卷

同上云存有自序金志僅載葬論無卷 許氏
楹云乾初先生著葬論喪實論諸篇其言激切

誠懇有裨世教 錢氏馥曰葬論已刻入葬約 管氏
鳳苞曰余家藏有確夫先生葬書二冊後附先世葬事一

卷其言皆懇惻 慎終之意盡矣 鼓桂堂家約一卷 俗誤辨一卷 寫先世遺

事紀畧一卷

辰夏雜言一卷 凡四講義二卷 替言四卷 自

云客有問曰子赫然兩目而奚以替曰今吾目若不替而
實無見也而吾八年矣而彌甚而猶曰屑屑著葬論大學
辨不輟咸惟西鏡之恃耳人又無以知吾目之不替也且
吾既替矣吾言葬論大學則世皆切切然莫不以吾言之

替人替吾言吾又不以替言自命乎 以上並見渤海著錄云存 勝覽云替言初集二卷發揮聖學今失傳

補新婦譜一卷

見渤海著錄云存有自序凡十二條補陸麗京新婦譜所未備邑士查石文又作譜補四條

增於學譜見金志

戡山先生語錄

見餘聞後附禪障性解

乾初道人詩

集十二卷文集十八卷別集十九卷

見渤海著錄愚谷文存作乾初先生遺集三十

卷餘聞作乾初詩文集無卷

吳氏騫序曰先生六世從

孫仲魚訪求遺書久而未得其全頃者先生族元孫奉我再三索於家併以騫與仲魚所得本合之竟成全稿復細釋其時代出處爲世系爲年表於卷首

陳氏敬璋跋曰

兔淋吳文博學好古發潛闢幽於先輩尤服膺乾初公一日出其文集一冊詩集二冊見示謂公之撰著極富而目

所得見世此而已可不爲之珍重而愛惜之乎其後更求全書於公之雲孫錦果得之文集凡七冊合之吳文所藏

三冊遂爲完書私心爲之狂喜遂並假以歸悉心參校而手錄之其間又或爲人事所間斷凡積六七寒暑迄今始

克成編共得四十九卷公之遺集皆公之孫雲怡子手錄無
別本也或藏於家或遺於他所一朝而合之豈非天耶
勝覽云乾初詩集一卷格律清老益兼資陶杜者又拜
經樓藏書目有所著竹冠記湘冠記合一冊亦附入文集

陳敬璋奉我先生傳 見海昌備志第四十一卷

陳敬璋

字奉我號半圭諸生

詞林輯要一卷

記康熙己未詞科事

渤海家乘補

三十二卷

自序

渤海陳氏著錄八卷

宋自序畧云寒家自唐

述甚富於是廣爲蒐採由庚戌迄今十餘年來已得三百八十餘種凡一千七百餘卷其未定卷次者不與焉
竊仿朱氏經義考體例各書下附列名賢緒論以補家乘所不及錄稿甫竟而吾宗有重修譜牒之舉乃亟鈔撮提要一卷以質諸宗老之多聞者逸名類鈔 朱子文鈔 楊園未刻

稿定本十二卷

自序云亡友錢廣伯私淑楊園先生嘗錄其未刻文目六十八篇示予曰先生

文集十八卷雖著十種已刻而傳之海內矣然非其全集也茲目得之陳子膚公所輯先生年譜中覩嘗廣爲之蒐採卒未可得以爲恨事庚戌歲子客駕湖友人丁誠之以未刻稿三十四篇見示錄而存之則視廣伯所鈔之目僅得其半已未秋吳子安來澱上示楊園文集一冊其讀之則先生門人吳子復本所得於先生後嗣

爲手錄而藏之者也其中已刻未刻各半未刻者凡百餘篇雖不盡合六十八篇之目而其數則過矣余爲之

狂喜亟欲錄之而未暇也今年秋山館無事爰詳加校正更以別本參補釐爲十二卷復摹考槃獨寤圖於卷

首將與同志初白先生年譜一卷爲吳氏騫序畧云奉我

孺人先生弟某女孫也夙通書史熟諸家世舊聞奉我

幼孤稟慈氏之教以有成居恒耳目濡染斷蕙截髮之

餘側聞緒論輒謹識之積以歲月而成是書故於先生

出處事跡皆信而有徵無少文飾可爲讀敬業詩者得

知人論世之概信天巢稿箋注小學盒遺書云奉我注其先菊

屬馥爲之贊歷朝詞選二冊有自序重次千丈一卷吳氏騫序

志篇及論詩約言二首爾室文集一卷舊訂四勿居古文已燬

余客挑溪間爲詩古文辭歸質半圭一一爲余評論由是情好益篤彼此投贈詩文愈密方謂他山有助學業可以漸進不意今春遽赴玉樓之召吁可歎矣爰從其舊篋中檢歸手稿數冊急爲錄存如千卷半圭生平所

著原不僅是第從前詩集厄於辰秋寓齋之火所默識而追錄者不過十之一二古文數十篇大抵舒寫性靈發揮義理邑前輩松霽周文謂可與楊園集並傳也癸酉季秋識四勿居詩稿彭世結詩文盡燬於寓齋之火醒園其妹壻也手爲追錄古文辭一冊四勿居重集千文一卷及晚著葵陽詩鈔三卷龍山吟草一卷藏於家

陳乾初先生遺集序

乾初陳先生沒百餘年矣。薦也鄉里後生恨不及親見顏色而承其教恆切嚮往之。願嘗總其生平事迹仿吾家斗南翁于靖節故事為年譜二卷。猶慮管窺蠡測未免挂漏。與先生從六世孫仲魚訪求遺書久而未畀其全意。殊嘆焉。既先生族元孫奉我再三索之。其家并以舊與仲魚舊畀本合之。竟成全稿。譬猶豐城之劍久埋。復出。喜可知也。亟手為編。尋凡詩文集三十卷。別集一十九卷。通四十有九卷。更細攷其

時代出處為世系為年表于卷首視拙輯年譜加詳
并旁引諸家載籍各注當篇之下以相證明寒暑無
間往復六七載始輟業間以相眎且屬之一言用識
梗槩於乎先生之書至今日殆可以無遺憾矣夫嘗
觀有明之季士大夫往往以聲氣相尚雖一二魁儒
傑士且不免稍存門戶之見惟叢山劉子從容中道
講求聖賢實踐工夫出其門者均束脩自好為直諒
多聞之士使劉子尋行其志佐以羣弟子之賢安在
其不能宏濟時艱乃卒為僉壬所排擠致身殉國社

抱長恨于虞淵不重可嘆哉先生事劉子之日雖淺
觀其與祝孝廉開美一再渡江預聞證人之言便慨
然以斯道為己任逮劉子正命而後開美節巾待盡
先生獨受遺書之託而不辭然則先生之學以為直
接山陰一綫之緒夫復奚疑管彛江黃晦木徵君與
先生有游夏之好先生既歿從其孤之請為之誌墓
厥後讀先生遺書乃別撰一通刊于文集反讀二千
餘言發揚其論性之說謂於聖學已見頭腦愧當日
知之未盡負此良友其推重也如是則先生之書其

可以弗傳乎哉有宋遺民若謝翱林景熙鄭思肖王
鑑鄧牧輩之書往往撫拾于兵燹殘剩之餘人爭寶
貴矧先生斯集上可以尊經衛道下可以風世勵俗
幽冥之中豈無嘿為之訶護待其人而後顯哉詩曰
伐柯伐柯其則不遠學者苟於此沈機研討以上溯
劉子庶幾可參誠意三關之微旨而奉我勤勤蒐討
之功為不沒矣嘉慶庚申長至後一日後學吳騫謹

識

編次遺書叙

璋自七八歲時從先君子受業先君子亟稱乾初公之
為人且告之曰吾家自遷祖已來科名祿位甲於兩浙然而
蓄道德而能文章者乾初公一人而已璋以是竊心慕之欲
從而求其遺書不可得既長身聞父執吳丈鬼牀之緒論吳
丈博學好古發潛闡幽於先輩九服膺乾初公一日出其文
集一冊詩集二冊見示謂公之謨著極富而目所得見惟此
而已零珠片玉可不為之珍重而愛惜之乎其後更求全書
於公之後人東畬之子錦果得之攷其世錦已為公之舅孫

少陵詩云吾宗老孫子質樸古人風蓋惟東甌昆弟父子有之於是而益嘆乾初公之遺澤何其久且遠也文集凡七冊合之吳丈所藏三冊而遂得為完書私心為之狂喜遂竝假之以歸為之端坐以讀之則信乎蓄道德而能文章者也於是悉心參校而手錄之其間又或為人事所間斷凡積六七寒暑迄今始克成編共畧四十有九卷嗚呼斯文之盛衰聚散莫非天也攷公之遺集皆公之孫雲怡子當日所手錄固未嘗有別集也而或藏于家或遺於他所見之者目為斷簡殘編不可復合而百餘年之後一朝而合之豈非天耶抑又

聞之公之家嘗有祝融氏之旤而斯集獨卒而得存則宜其
有今日之完好如故也或者天牖愚衷獲讀公之全集以仰
企夫公之為人而稍尋其萬一焉則庶幾哉上承乎一先君
子之訓而并以慰夫父執拳拳之意尤璋之厚幸也夫時一
嘉慶三年歲次戊午冬至後五日族元孫敬璋半圭氏謹書

編次遺書例言

元集七冊為公之後人家藏畧加詮次而卷帙不分今定為文集十八卷別集十九卷詩集十二卷共四十九卷

吳氏本文集一冊僅有傳文一類及雜著數篇而家藏本獨闕况鈔錄本出一手則為元本无疑今以少補多遂成全璧而於文目下仍為詳注不敢忘所自也

本集之外更從族孫錦家尋公元稟數冊因是詳加參訂又尋詩文數十首以類補入而公之子敬齋之文間亦附焉誦詩讀書尤貴知人論世故卷端首舉遺像仰道範也次載

傳誌攷德行也次圖世系詳自出也次列年表遺事而公之生平畧盡矣

公本為山陰劉蕺山先生高第而學宗陽明是以有大學辨之作固自成一家之言瑋以後生末學何敢妄議謹以附于別集之末而書之論及者附錄末卷從其類也

公生平不妄交凡諸先哲見於集中者稍附箋注疑者闕之第以見聞狹隘不無挂漏之譏

先儒贈答之文半多散佚一時難以搜採間錄一二別為外編有可附者附於本文之後

歲銘贊頌之類文也而非詩也元本在詩集中今列于文集
第十五卷

公詩集向第分古今體而亦元卷次今定為十二卷此外有
沈氏東隅子選本及薑畦族父編年詩竝為附注其下以
備參攷

家譜大傳例皆稱公獨於公則稱先生崇理學也遺集特做
譜例冠以先生云

長至後六日敬璋謹識

乾初先生遺集總目

首卷

竹節冠像

海寧縣志本傳

墓誌銘

陳氏家傳

行畧

世系

年表

遺事

外編

文集十八卷

書四卷

論一卷

議二卷

記二卷

序一卷

說一卷

傳一卷

祭文—墓誌銘—共一卷

箴—銘—贊—頌—解—詞—引—揭—疏—答問—

—共一卷

東帖一卷

書後—社約—共一卷

雜著一卷

別集十九卷

辰夏禱言一卷

俗誤辨一卷

叢桂堂家約一卷

補新婦譜一卷

見王氏檀儿叢書

先世遺事紀畧一卷

七
贅言四卷

講義二卷

八
纂書四卷

大學辨四卷

見朱氏經義九
費一卷

詩集十二卷

四言詩一卷

五言古詩二卷

七言古詩一卷

五言律詩二卷

七言律詩三卷

五言排律詩一卷

七言排律詩一卷

七言絕句一卷

外編

張楊園先生履祥

序一首

書二首

祝月隱先生淵

書四首

陸辛齋先生嘉淑

詩四首

朱止谿先生嘉徵

詩二首

張侍軒先生次仲

書三首

乾初先生竹節肖像



聖人之道夫婦與知五十無
聞爾生胡為吾方夏子二則
嘻言一象曰吁哉予豈有歎一
而景之動咸惟爾師不正其形
儀反求之咄慎爾出語敬爾威
孰初道身念茲杜茲
顯

海寧縣志理學本傳

安陽 許三禮 脩

陳確字乾初原名道永蚤歲見知于鄉賢許同生先生令典
目為任道之器後與孝廉祝淵游戡山先生門奉慎獨之教
用功于見善必遷知過必改求無歉于所獨知兼動靜合人
己無往而非獨無往而非慎己而踐履卓然矯立風塵之表
幼以孝爰稱長以文學著器韻拔俗詩文清真大雅寄托深
遠其論學明理尤多心得為人剛直尚氣節遇公正發憤為
鄉邑去害不撓于勢位自幼寄興瀟灑書法得晉人遺意撫

琴吹簫時奏于山顛水涯篆刻博奕諸好無不工自奉教箴
山一切陶寫性情之技視為害道而屏絕之其勇于見義遇
不平而輒發者亦視為任氣而不復蹈惟皇皇克己內省黜
偽存誠他不暇顧也乙酉之後祝淵既從師游地下確棄經
生業與同志靜脩山中本箴山證人之旨為闇然之學尋病
廢幾二十年足不及中庭君子謂其不異表閤之士室箴山
之學傳于海昌確與淵庶幾同所歸乎一時同道志義切廟

之士如角里蔡遵

義行傳遵字養吾幽棲
談道率二子耕且讀

龍山許喬泗塘徐

孟鎔

隱逸傳喬字大年令諭子遵人譜為省過會
孟鎔字炯一文行卓然學者稱紫海先生

確兄子枚

家傳賁永子枚
字爰立號補菴
孜孜好脩沉冥沒世皆先確卒

章案名宦傳許三禮字典三號西山河南安陽人順
治辛丑進士康熙十二年任海寧令多善政建正學
書院朔望率紳士講學其中以循
卓上聞擢御史歷官督捕侍郎

接

陳乾初先生墓誌銘

餘姚 黃宗羲 墓

海昌陳乾初先生卒其子翼仲繫事實以余為先生同門爰也丐誌其墓嗟乎戴山諸生今日凋落殆盡浙西獨有先生與惲仲升尚無恙又弱一个焉余方有殄瘁之嘆何敢辭先生諱確字乾初初名道永字非玄陳氏為浙西望族曾祖鳴祖理川父覺菴皆世其學妣葉氏兄弟四人先生其季也幼從伯仲學舉業即能過其流輩已與叔同試于學使者伯言季文優于叔先生不悅棄發叔錄而先生不與先生悅甚父

兄怪之先生曰吾不欲第先兄舉也黎博菴為學憲賞識之
充博士弟子員許平遠又高第之廩于庠劉守雪濤遇以國
士一時聲名藉甚而先生介然不欲以猪肝累郡邑劉守知
其貧欲有所贈遺累問以事輒對曰無然廉勁疾惡遇事發
憤有大節崇正末昌邑不飭簞簋莫之敢指先生舉旂號眾
曰吾邑之人何罪而使一人橫行于上乎同舍生集者數百
人走訴行御史臺繡斧不聽沓吏坐先生以罔上同舍生斷
斷不退沓吏始敗論者以是比之瞿九思之事甲申與族父

令升

璋家傳公諱之問字令升一子
近思贈大學士無為公之長子

渡江受業戴山劉夫

子之門潛心力行以求實得始知曩日意氣用自刻意破除
久歸平貼家庭鄉黨之間欽為坊表故雖事夫子之日淺而
屈指劉門高第衆口遙集晚得拘攣之疾不下繩床者十五
年先生天才絕出書法篆刻摩阮洞簫彈棋感融雜藝經手
便如夙習居喪書孝經百卷體備晉唐截竹取書刀削之成
冠以變漢竹皮冠之制其服也不屑為唐以下窳兀過之寒
田古剎之下不類今世人也其學無所依傍無所瞻顧凡不
合于心者雖先儒已有成說亦不肯隨聲附和遂多驚世駭
俗之論而小儒以入耳出口者囂然為彼此之是非先生守

之愈堅顧未免信心太過以視夫儲胥虎落之內閉眉合眼

矇矓精神者則有間矣夫聖賢精微要渺之傳倡一而和十

悉化為老生常談陳腐之說此先生之所痛也余庚寅至杭

從陸麗京

瑣案陸圻字麗京號講山錢塘人

案頭見女訓而嗟嘆麗京曰此

海寧陳乾初先生所著也余家奉為玉律

瑣案公所著無女訓之目疑即是補

新婦譜一卷今已刊入檀几叢書

丙午余與陸冰脩

瑣案州志文苑傳陸嘉淑字冰脩號辛齋明舉

人鈺子

區案此下當有脫誤疑是過訪寄字

先生已病廢劇談終日而精神不衰

聞劉伯繩

瑣案伯繩名洵劉念臺先生子

將葬先生曰吾不能執紼引路有

負亡友涕泪為之交下時浙西有與伯繩友者余約之渡江

其人漠然不應余因嘆曰人情相懸固如此哉臨別以所著
葬論見示先生主于族葬痛世巫之惑人也第深埋恐不空
于閨越惜未曾與先生細論耳丙辰至海昌聞先生孿疾如
故私喜話舊有日先生亦以論學書致余鄙見不無異同先
生欣然往復明年將踐壽約而先生猷世矣余之不得見先
生寧非恨事卒之日為七月二十四日年七十四娶王氏先
卒二十七年子二人長翼次禾次女一人孫二人克魯克爽
翼字敬之侍疾能盡其誠先生可謂不死矣以其年冬月葬
於沈家石橋之西銘曰

桑海之交龍山渠渠死者開美生者乾初死為義士生為遺
民皆無媿為戴山之徒

璋案州志寓賢傳黃宗義字太冲號梨洲餘姚人父
尊素明御史死閣禍宗義年十九袖疏入京師訟冤
歸而受業劉念臺之門於書無所不讀著述等身力
辭徵聘海內推為東南遺逸之冠康熙丙辰至海寧
前令許三禮戒邑中士大夫胥會於北寺聽其講學
宗義留兩月餘已而省覲還里海寧諸遺老傳志得
其表章之
力為多

接

陳乾初先生墓誌銘

餘姚 黃宗羲 墓

先師戴山曰予一生讀書不無種種疑團至此終不釋然不覺信手拈出大抵於儒先註疏無不一一抵牾者誠自知獲戾斯文亦姑存此疑團以俟後之君子倘千載而下有諒予心者乎不肖羲蒙先師收之孤苦之中而未之有得環視對門知其學者亦絕少徒以牽挽於口耳積習不能當下決擇淺識所錮血心充塞大抵然矣近讀陳乾初所著於先師之學十得之四五恨交臂而失之也其言性曰性善之說本於

孔子得孟子而益明孔孟之心迄諸儒而轉晦盡其心者知其性也之一言是孟子道性善本旨蓋人性無不善於擴充盡才後見之也如五穀之性不藝植不耘耔何以知其種之美耶故諄諄教人存心求放心充無欲害人之心無穿窬之心有所不忍達之於其所忍所不為達之於其所為老老幼幼以及人之老幼不一言而足學者果若此其盡心則性善復何疑哉易繼善成性皆體道之全功正對仁智之偏而言道不離陰陽智不能離仁仁不能離智中焉而已故曰一陰一陽之謂道即中庸中節之和天下之達道也繼之即須臾

不離戒懼慎獨之事成之卽中和位育之能在孟子則居仁由義有事勿忘者繼之之功反身而誠萬物皆備者成之之候繼之者繼此一陰一陽之道則剛柔不偏而粹然至善矣如曰惻隱之心仁之端也雖然未可以爲善也從而繼之有惻隱隨有羞惡有辭讓有是非之心焉且無念非惻隱無念非羞惡辭讓是非之心而時出靡窮焉斯善矣成之者成此繼之之功向非成之則無以見天付之全而所性或幾乎滅矣故曰成之謂性由是觀之則仁者見之謂之仁卽不可謂仁智者見之謂之智卽不可謂智猶中庸賢智之過卽不得

為賢智也從來解者昧此至所謂繼善成性則幾求之父母
未生之前幾何不胥天下而禪乎故性一也孟子實言之而
諸家皆虛言之言其實則本天而責人言其虛則離人而尊
天離人尊天不惟誣人并誣天矣蓋非人而天亦無由見也
是故蘧蓑勤而後嘉穀之性全怠勤異獲而曰麴糵之性有
善惡必不然矣涵養熟而後君子之性全敬肆殊功而曰生
民之性有善惡必不然矣又曰資始流行天之生物也各正
性命天之成物也物成然後性正人成然後性全物之成以
氣人之成以學人物之性豈可同哉大衆何不言萬物資始

各正性命而必係之乾道變化之下又何不曰元亨者性情也而必係之利貞之下乎非元始時無性而收藏時方有性也謂性至是始足耳今老農收種必待受霜之後以為非經霜則穀性不全此物理也可以推人理矣是故資始流行之時性非不具也而必於各正保合見生物之性之全孩提少長之時性非不良也而必於仁至義盡見生人之性之全或曰人之氣稟清濁果有什百千萬者性有不善焉可盡誣曰氣之清濁誠有不同然無乖于性善之義也氣清者無不善氣濁者亦無不善有不善者乃是習耳觀於聖門參魯柴愚

當由氣濁游夏多文端木屨中當由氣清可謂游夏性善參
柴性惡耶又曰一性也推本言之曰天命推廣言之曰氣情
才豈有二哉由性之流露而言謂之情由性之運用而言謂
之才由性之充周而言謂之氣性之善不可見分見於氣情
才情才與氣皆性之良能也天命有善而無惡故人性亦有
善而無惡故氣情才皆有善而無惡中庸以喜怒哀樂明性
之中和孟子以惻隱羞惡辭讓是非明性之善皆就氣情才
言之後儒曰既發謂之情曰才出於氣故皆有善有不善不
知舍情才之善又何以明性之善耶才情氣有不善則性之

不善不待言矣是陰為邪說者立幟也而可乎又曰本體二字不見經傳此宋儒從佛氏脫胎來者故以為商書維皇降衷中庸天命之性皆指本體言此誣之甚也皇降天命特推本言之猶言人身則必本之親生云耳其實孕育時此親生之身而少而壯而老亦莫非親生之身何嘗指此為本體而過此以往即屬氣質非本體乎宋儒惟誤以此為言本體故曰人生而靜以上不容說才說性便已不是性則所謂是性而容說者恰好在何處耶樂記人生而靜天之性也二語本是禪宗其書大半在荀子不意遂為性學淵源可怪也後儒

人性有善
而無惡

口口說本體而無一是本體孔孟絕口不言本體而無非言
本體子曰性相近則近是性之本體孟子道性善則善是性
之本體而此本體固無時不在不止於人生而靜之時也如
曰人皆有不忍之心乍見孺子之心以至四端人皆有之心
皆指本體言也曰平旦之氣則雖牿亡之後而吾性之本體
亦未嘗不在也曰乞人不屑行道之人勿受則雖下流行乞
之徒而吾性之本體亦無時不在也則亦何時何處而非天
命皇降之體乎學者惟時時存養此心即時時是本體用事
工夫始有着落今不思切實反求而欲懸空想箇人生而靜

之時所謂天命皇降之體段愈求而愈遠矣無論人生而靜
之時默然穆然吾心之靈明豪未開發未可言性即所謂赤
子之心孩提之愛稍長之敬亦萌而未達偏而未全未可語
性之全體必自知學後實以吾心密體之日用極擴充盡才
之功仁無不仁義無不義而後可語性之全體故曰成之者
性也曰盡其心者知其性也佛氏喜言未生之前既死之後
的道理儒者只曉得有生之後未死之前的工夫佛氏言雖
夸大却無把捉儒者言極平實却可持循將何去而何從乎
又曰周子無欲之教不禪而禪吾儒只言寡欲不言無欲聖

人之心無異常人之心常人之所欲亦即聖人之所欲也人心本無所謂天理天理正從人欲中見人欲恰好處即天理也向無人欲則亦並無天理之可言矣乾初之言大抵如此其於聖學已見頭腦故深中諸儒之病者有之或主張太過不善會諸儒之意者亦有之夫性之善在孩提少長之時已自彌綸天地不待後來後來之仁至義盡亦只還得孩提少長分量故後來之盡不盡在人不在性也乾初必欲以擴充到底言性善此如言黃鍾者或言三寸九分或言八十一分夫三寸九分非少八十一分非多原始要終互見相宣皆黃

鍾之本色也先生諱確字乾初陳氏為海寧望族曾祖鳴梧
祖理川父覺菴皆世其學母葉氏乾初讀書卓犖不喜理學
家言嘗受一編讀之心弗善也輒棄去遂四十年不閱其後
與同邑祝淵讀書淵議論不守章句乾初每鐫之已同問學
於山陰先師深痛末學之支離見於辭色乾初括磨舊習一
隅三反迨先師夢真得其遺書而盡讀之憬然而喻取其四
十年所不閱者重閱之則又格格不能相入遂見之論著同
輩為之一開不顧也乾初議禮尤精從其心之所安者變通
古禮而於凶禮尤痛地理惑人為天下異端之翫其於友朋

一事稍乖必正色相告不為姑息屠殲陸圻徵文壽母軋初
謂世俗之事非所當行社集講會人情之常軋初謂衍衍醉
飽無益身心再會之後亦不復赴甲申以後士之好名者強
與國事死者先後相望軋初曰非義之義大人弗為人之賢
不肖生平具在故孔子謂未知生焉知死今人動稱末後一
着遂使奸盜優倡同登節義濁亂無紀死節一案真可痛也
軋初之論未有不補名教者晚而病廢不出門者十五年卒
之日為丁巳七月二十四日年七十四葬於沈家石橋之西
娶王氏先卒二十七年子二人長翼次禾歿女一人孫二人

克堂克爽余於丙午訪之病中猶危坐劇談又十年丙辰致書約以明歲再見而不可得矣翼以誌銘見屬其時未讀乾初之書但以翼所作事實稍節成文今詳玩遺稿方識指歸有員良友多矣因理其緒言以識前過銘曰

有明學術宗旨紛如或泥成言或創新渠導水入海而反填淤惟我戴山集夫大成諸儒之弊削其畦町下士聞之以為雷霆豈無及門世智限心如以太牢飫彼書蟬欲抹微言與時浮沉龍山之下乃有傑士從遊雖晚冥契心髓不無張皇而篤踐履余忝同門自愧淺陋昔作銘文不能深究今其庶

幾可以傳後

愚切

陳氏理學乾初先生傳

族弟 元龍 撰

先生諱確字乾初原名道永字非玄文學覺菴公之季子也
覺菴公生四子俱遊黌序有名先生弱而才父兄特器重之
從伯兄授經鄉賢許同生先生

璋案州志文苑傳許今典字同生萬歷丁未進士守淮安

目為小友且指示子弟曰若曹雖與陳生同學不日即當師
事之矣其見重於前輩已如此讀書不屑屑章句毅然期至
於古之立言者尤厭薄舉業姑為之以副塾課之望嘗受知
學使者黎許兩公舉茂才廩於庠後遭喪亂散屣棄之泊如

也明季有勸法吏先生唱義聲顧當事當事庇其人欲中先生以法先生色不為動尋太府劉公雪濤抹免事聞輦轂當事與吏俱坐黜先生亦不色喜早年論學於諸儒中最喜姚江知行合一之說謂可與孟子道性善同功後與祝孝廉淵遊戴山先生門奉慎獨之教躬行實踐重規疊矩既而祝以節顯先生則歸然長德望于一鄉皆不愧師門心印所謂其趨一也接引後學娓娓不倦一時志義之士從遊日衆與兄子潮生學案家傳易字潮生我旋公位爰立輩家傳教字爰立號補卷腹頁公位表章家學酌立族規講明宗法建遷祖祠宇宗人既庇其材矣其堂寢

規模主祐制度一出先生釐定晚年構地十畝有奇營葬考
妣奉其三兄雁序以祔而已亦置生壙焉令支下子孫艱于
覓地者皆可祔入先生蓋倣古族葬之法以為支分本一血
脈相聯生則聚廬而處沒則共域而葬且使春秋展墓時子
姓兄弟咸在其酌古準今法良意美皆類此詩文清真大雅
寄托深遠其發明理學尤多心得下筆立就無纖豪障翳書
法直逼鍾王撫琴吹簫時奏于山巔水涯篆刻博奕諸好無
不工自奉教戴山後一切陶寫性情之技視為害道而屏絕
之向之勇於一往遇不平而輒發者亦視為任氣而融釋之

社集講會以為無益身心每婉辭不赴尋病廢幾二十年足不及中庭君子謂不異表閔之士室所著有大學辨禪障性解學譜葬論喪俗家約諸書其餘雜著不下數十萬言俱藏于家居母喪手寫孝經百餘冊志痛戚友爭寶藏之於戲先生為余兄而五十年以長余少時每見先生過從先大夫必肅衣冠迎之指為後生矜式今先生下世六十年矣而古貌古言髣髴如昨詩有之雖無老成人尚有典刑宗之人有仰老成而邇典刑者乎則有先生之遺文在

瑋案家傳元龍字廣陵號乾齋之閣子康熙戊午舉人乙丑進士掾眼及第歷官文淵閣大學士兼禮部

尚書具疏致政 特加太子太傅 予告累 授光祿大夫乾隆丙辰 恩給全俸卒謚文簡年八十五

長

乾初府君行畧

不孝
翼
述

嗚呼不孝翼禍鍾所天煩冤荼毒未即實喪緬維先君子生
平闇脩獨善燬不勝載欲俟卒哭後喘息稍定博稽親友悉
所見聞編數次其畧茲蒙朱子人遠（章濤州志文苑傳朱爾遠字人遠號日觀止）

先生嘉徵子諸生工詩
奇俊雄偉不名一體

過弔奉其尊先生語欲急得先君子

一生節畧載之邑乘命難久稽謹啣哀濡筆綴述顛末如左

然為世儒宗為海寧陳文獻所自始梅崗公而下高祖鳴梧

公曾祖理川公以及王父覺菴公類皆績學敦倫歷試不第

覺菴公娶王母葉孺人為萬歷己卯孝廉淳字公女

璋案州志葉霜

字仁字明神宗萬歷七年己卯科舉生四子長伯父腹負公諱貴永次孝章

公諱思永次我旋公諱祥龍次即先君子先君子庠名諱道

永字非玄

璋案家傳原名並永字原季號遜庸

國變後改名確字乾初幼穎異

見解不凡五六歲時食肉必正方數必五其有不正者必請

易有餘則反之常從羣兒遊戲聞有訛詆王父母者掩耳疾

趨入王母問曰汝在外有聞乎曰無聞也然心竊不安謂母

問不以實告已而有告之者王母怒不已則又大安謂吾不
告為是告之者非其朗識夙成類如此家貧不能延師間從
伯父腹負公孝章公出游學講解略過耳即能領其要命題
課藝卓絕等輩兩公絕賞愛之甫就童子試即大有文名嘗
與伯父我族公道試歸伯父腹負公閱試卷謂叔卷不若季
先君子大局促心忤忤然惟恐其先得雋及案出伯父我族
公竟列名先君子遺不錄乃大喜王母恠問之曰此兒志也

事符其志能不喜乎年十八取先母王碩人

璋家傳配序
生海鹽王廷策

女詳公
自撰傳

碩人至能以勤儉佐家家中事先君子纖悉皆不問

得益專志于學二十以後試屢蹶遂薄視一衿放浪山水恣
情聲律韻管譜琴時共一二知交吟風弄月超然遠寄有點
遊舞雩之致間以雙陸圍棋摹刻臨池得心應手無不窮極
其妙視帖括操觚絕不經意偶一為之更爾超脫不羈以是
為適志之具已耳故先君子即當童子試已不知功名為何
物年二十六歲遭伯父我旋公之變閱歲王父覺菴公又見
背悲憤激中欲絕意進取事至癸酉歲伯父腹負公強之甚
不得已勉一赴博菴黎公賞其文拔第三補弟子員非其好
也庚辰之歲又遇知學憲許公廩于庠時太府劉雪濤公與

先君子用文字相知款洽無比察先君子貧意欲周全之先君子每進見退出外則使其左右問先君子有事見託否先君子謝無有生平節操凜然蓋不待晚年進學後也先君子時藝精工可與歸胡諸大家相頡頏遭亂棄去不啻塵飯塗羹時從家庭論說絕不道及一字翼近課子私發其篋窺之從入泮至告退不及十年間約千有餘執其精醇變化出經入史領章脈挾題髓抒寫性靈源本道德無剽竊摹擬之狀有左右逢原之樂非近日帖括家所能望其項背壬午秋比先君子以命中之技值貪尹煽虐輟所業攻之當事庇貪尹

欲罪首事者文移褫革學憲執不許雪濤劉公力薦科試亦
不聽是歲竟不與鄉闈試先君子夸然不以為意謂捐吾生
以拯一縣之民亦何所惜一鄉荐何足道哉諸與貪尹比者
百方恐嚇先君子屹不為動邑衆庠生感先君子義羣聚不
散當事者心惕卒解其事未幾風聞輦轂當事與貪尹竟中
考功去先君子亦不以此自喜蓋先君子至此而學凡三變
始崇尚夫風流繼絢爛夫詞章繼又矜厲夫氣節自後一變
至道要其淡功名薄榮利則固根原于性天歷盛衰閱老穉
而不渝其初者也甲申乙酉滄桑變革動魄驚魂先君子思

儉德避難挫明用晦與祝開美

瓊崖州志忠烈傳祝淵字開美號月隱明宗正癸酉舉人

年三十五

同游山陰先生之門

瓊崖明史本傳劉宗周字啓東山陰人萬曆辛丑進士官

殉節死

左都御史乙酉六月不食死

奉先生慎獨之教益從事於闇然之學而操

其功於知善必遷知過必改以無歎其所獨知無動靜合人

己無往而非獨即無往而非慎己而學益遠識益卓則見其

胸懷恬曠而踐履真篤議論切實而理致精微於諸儒中獨

喜陽明知行合一之說謂可與孟子道性善同功其所論述

前人所已言者不言也故即偶然落筆出其心得具有發明

理歸一貫絕非支離駁雜依傍裝排如近世儒者拾古人身

後附會影響出口入耳之學以自欺而欺天下也其大者論學則有大學辨禪障性解氣才情辨原教學譜無不折衷孔孟衡斷羣儒坊俗則有論莖諸書喪俗家約率皆言近指遠黜偽存誠與中庸素位之學孔子有恆之訓互相印證大有裨于學者其餘雜著不下數十萬言俱有關世教談道之暇間為詩歌清真大雅不過自寫其安貧樂道之懷悲天憫人之致讀其詩而其人如在豈苟焉已哉事王父不待告戒能先意承志沒後二十年遇忌月必斷酒除腥王母年高就養寢處飲食必躬自調攝承歡朝夕若嬰孩之未離懷抱者於

王母喪中哀禮兼盡手書孝經百餘冊以誌痛真行州法各
臻其極為世所寶重事兄如事父終其身無違言事關倫紀
之大必力請命得請然後已事孀嫂寡姊如事母禮敬問遺
老而彌篤視兄子如子伯父我族公蚤夭諸兄幼孤先君子
教誨撫循更不啻如子視朋友如兄弟然恩不揜義面稱其
違而隱成其美死喪患難盡力周恤雖死者復生生者不塊
訓誨翼等不急於詞章之學惟嚴飭其行誼翼愚下未能率
其教年四十七歲先母王碩人棄世念昔時勤苦中道棄捐
終其身不再娶至六十左右得顛孿疾拘困者十五載委心

任運翼晝夜承奉絕不見因疾苦有忿戾之色變其常度其

節情理性之功人而進于天矣今年五月轉脾泄證拒絕鑿

藥翼涕泣哀懇不聽也七月初漸不支命嗇兒書喪約二紙

呼從兄潮生

譚蓋家譜易字潮生我族公也

許子欲爾

譚蓋州志文苑傳許全可字欲爾今典之

孫鍵戶隱淪肆力于學

面授之餘無所言然猶日起坐至廿四日發吐

二次遂瞑然而逝嗚呼痛哉先君子人品學問文章一真焉

盡之蓋剗削于名利者盡故其所得于性天者具有一種光

明正大氣象流行於語言動靜筆墨文字疾病生死之間蓋

無往而不存者也先君子生萬曆甲辰距今歲丁巳享年七

十有四二子一女弟禾早歿孫二翼子克魯禾子克典擬於
今冬扶柩合葬于沈家石橋西半里祖塋之次穆伏乞——
當世名公鉅儒同門執友諒隆生死道廣錫類不拘墓志傳
贊誄表俾先君子一生行誼得上光——國史下垂家範不孝
翼叩哀艸土即旦暮入地死且不朽

詞璋案是篇為乾初公長子敬之公所作較墓志本
傳尤為詳備蓋當時志傳即本此而出者也而是篇
幾湮沒不傳璋於戊申孟冬得之敬之公文集元稿
中爰附載卷首得以識公之梗槩云

乾初先生世系表

族元孫 敬璋 纂

宋武烈王十
四世孫字元
貞學東園
始諒海亭東里陳二
祖諒公明諒女元
末自黃山徙
居趙家橋

字世宏号月
軒少依母家
指家母姓為
陳氏敬達多
材主明洪武
壬子卒宣德
丙午子三

字文亮号樂
耕誠信慷慨
好結客生洪
武甲戌卒夫
順成寅。弟
清解教德無
後

字宗賜号
賓賜鄉飲
大賓生正
統癸亥卒
正德辛巳
年七十九
子五

魁 字士元号
養開生成
化丙戌卒
嘉靖己酉

紀 字士常号
柳庄子二

經 字士綽号
南竹子二

繪 字士文号
畫卷子一

緒 字士延号
蓮溪陳貴
生河南國
始訓導子
二

中益

字守裕号梅岡原貢生
江南吳江訓導子三

中孚

字守信号曉雲原貢生
正德癸酉舉人子三

中節

字守安号鳳岡嘉靖
壬午舉人官雲南知縣

中謙

字守重号桂西邑庠生
子七

中臨

字守厚号龍洲邑庠生
子四

中有

字守載号少岡子一

中萃

字守聚号南洲子五

貞永

字履貞号元禎
邑增生子三長

思永

字茂修更字子孝
次叔世

祥龍

字我旋号龍微
郡庠生子三

道永

字非玄原名道
永字以季子二

公陸

字曰丹号對梅
歲貢生河南信

公廷

字曰鑑号鳴
梧邑庠生世

公階

字曰升号望
梅子一

侯佐

字維相号
理川邑庠

侯儀

字維敬号
鳳川邑庠

侯伯

字維敬号
鳳川邑庠

醇伯

字師圭号
卷郎增生子

穎伯

字師端号
卷郎增生子

震伯

字叔奮号
卷郎增生子

侯伯

字季傑号
卷郎增生子

侯伯

字季傑号
卷郎增生子

侯伯

字季傑号
卷郎增生子

侯伯

字季傑号
卷郎增生子

侯伯

字季傑号
卷郎增生子

侯伯

字季傑号
卷郎增生子

侯伯

字季傑号
卷郎增生子

侯伯

字季傑号
卷郎增生子

侯伯

字季傑号
卷郎增生子

侯伯

字季傑号
卷郎增生子

侯伯

字季傑号
卷郎增生子

侯伯

字季傑号
卷郎增生子

侯伯

字季傑号
卷郎增生子

侯伯

字季傑号
卷郎增生子

乾初先生年表

族免孫 敬璋 編次

紀年

時事

出處

藝文

明

萬曆三十二年
甲辰 先生年

神

一歲

宗

三十三年乙巳

先生年二歲

三十四年丙午

先生年三歲

三十五年丁未

先生年四歲

年表

冬十月初七日未時
先生生于鳳岡現之
故居

三十六年戊申夏五月大水不害稼
先生年五歲有旨改漕仍發粟賑

也饑從邑人童時等奏

三十七年己酉
先生年六歲

三十八年庚戌
先生年七歲

三十九年辛亥秋七月米涌貴石值
先生年八歲一兩二錢

四十年壬子
先生年九歲

始入小學。與姊氏
同在家塾姊後適澎
墩處士陸允忠早寡
守節志行與先生絕
相似

夏五月二十日伯父
凝菴公卒。公諱醇
伯字師孟郡增生

四十一年癸丑
先生年十歲

四十二年甲寅
先生年十一

四十三年乙卯
先生年十二

四十四年丙辰
先生年十三

四十五年丁巳
先生年十四

四十六年戊午
先生年十五

四十七年己未
先生年十六

四十八年庚申
先生年十七

從伯兄腹舅公仲元
孝章公問學

從仲兄學于園花祝
晉武家。是歲正月
二十一日叔父迅菴公
卒公諱震伯字叔奮
始應童子試有文名

熹

天啓元年辛酉先生年

宗

十八

二年壬戌先

春二月癸酉地震

從伯兄學于靈泉山

生年十九

三年癸亥先

冬十二月二十二日地

從仲兄學于審山之陰。先生兄弟

生年二十

大震

始以父命析箸

四年甲子先

讀書菩提寺

生年二十一

五年乙丑先

秋遊武林與童子蕭立同寓湖上。時八月

生年二十二

之望童子與先生坐殿

橋童子發歌先生吹洞

簫和之環而聽者數百人皆稱善

娶碩人王氏。碩人海鹽諸生槐心公廷

六年丙寅先
生年二十三

七年丁卯先
生年二十四

莊
崇正元年戊辰
先生年二十

烈
五

帝

二年己巳先
生年二十六

三年庚午先
生年二十七

秋七月二十三日壬午浙
江風雨海潮潮決入平被潮患。時先生兄
野二十里漂溺人畜屋第俱在館不之知也
宇無算撫臣上其事秋獨覺菴公在家扶老
糧折半

携幼還置衣物竟夜
行水中水及肩頸

秋七月六日兄我旋
公卒年三十三。公

諱祥龍覺菴公第
三子郡庠生

秋九月十九日通覺
菴公喪。公卒年六
十七

四年辛未先
生年二十八

五年壬申先
生年二十九

六年癸酉先
生年三十

七年甲戌先
生年三十一

八年乙亥先
生年三十二

居喪。冬始與祝
孝廉開美定交

冬十一月六日長子
翼生字敬之

是歲始補博士弟子
員。學使博登於公

賞先生文拔第三公
諱元寬江西南昌人

以按察使僉事兼提
學道

春正月偕許子元五
渡京江道虞山訪盧

龍韓子有不值

山夜候僧不至親包
素娘歌 樸巢中人
歌 夜宿枕濤庄

時與友人結社于黃
山許氏之枕濤庄唱

過老童韻結樓飯歸
和九客

冬十一月二十六日地
震

九年丙子先生年三十三

冬移居泥橋之西者亭遷者亭記
許子元五為作移居圖。秋九月十日
季父慎菴公卒

十年丁丑先生年三十四

春至武林高湖上四遊西谿詩斷橋
。先生學行雅為步月歸途就石臺索
太守劉公守護所知飲
遇以國士而先生介
然絕不以一語干謁
公益歎之

十一年戊寅先生年三十五

夏六月辛亥大風雨讀書邵灣山中。東老董東樓
潮決城西至赭山
漱浦韓子阜甫來
從學于丁園

十二年己卯先生年三十六

春始交鄒子行素于山中

十三年庚辰先生年三十七

夏旱飢米涌貴一石值四金
食饑于庠。學使
許公名芳福建候

官人

十四年辛巳
先生年三十八

夏大旱蝗

十五年壬午
先生年三十九

春夏米涌貴石值
三金

時邑苦墨吏殃民
先生率同志數人走
訴上官當事欲中先
生以法先生屹不為
動尋為太守劉公救
得免事聞于上當
事及吏卒以劾落
職

十六年癸未
先生年四十

秋八月與視子開美秋游記 江水二章
同游西湖。九月又自吾之出三章游天
與祝開美吳仲木至池寺游雲門諸山
山陰受業劉念道堯九日登秦望 平水
生授以古易妙義凡謝別先生 歸渡有感
五句而歸

十七年甲申為

國朝

世 順治元年先
生年四十一

祖 章 皇 帝

二年乙酉先
生年四十二

春正月復與吳仲寄韓子有書并條以
木渡江至山陰謁詩

劉先生

夏六月二十日次子

永生字若木冬女

歸于董名世琮字

典瑞号八公爾立姪

郡庠生

春正月復與祝開侍山陰先生 哭吳秋

美至山陰謁劉先 浦先生 哀江南 哭

生。夏四月同張祝于開美 哭山陰先

考夫未諱斯諸人 生 哭許元五 祭祝

至澈浦送吳公麟 開美文 莫許元五 文

徵葬。六月祝開 祝開美傳 許元五

三年丙戌先
生年四十三

美以山陰先生手書小傳

及所記錄授先生先

生泣受而藏之。閏

六月朔日省母于海

墩陸氏姊家。始聞

山陰先生之訃

春與同志十數人會藝叢謠 蒼天七章 遇

于道士韓養元黃山盜 吾生 許欲爾過

廟閣分韻賦詩。三訪 邛酒 世事篇

月同人集夜茂堂 間日瘡 春晴過近

夏五月廿五之夕有盜 叔池上 登龍山 次樸

入室先生中七缺尺流 卷叔夜誓詩韻 鯢

血被體既而瘡作。 濟東樓 九日風雨

視季寧沈用晦避亂 秋游即事 祭劉先生

至先生家數日。秋 文 告先府君文 道士

同人復集夜茂堂。韓養元傳 我旋兄傳

冬挈家人避亂海鹽 韻經老人傳

四年丁亥先
生年四十四

夏大無麥禾米涌貴
石三兩

先生更名確字乾初正月二十日雪朝入
。具呈本學求削儒城東門 賻張石渠子
籍作文告先府君。硤川 拜山樓見月
復携家避亂于東坑萬古樓暗驚水層閣
梁谿唐有功過訪 伯 悼許元五

五年戊子先
生年四十五

館洄塘近思族父家秋興八首
。秋八月由東坑携
家仍還泥橋。時有
推先生為根長者

六年己丑先
生年四十六

春正月同近思族父酬徐季嘗 禾兒叙
過訪老友徐季嘗于諸子省過錄 與韓
北郭。秋八月會同子有書 啓閔辰生
人于黃山 先生與許芝田書

七年庚寅先
生年四十七

春三月三日頌人王悼亡詩 撫松軒松
氏卒年五十一。夏忌日詩 裕庵小憩
四月二十六日望王公奠許元忠文 祭婦
頌人于沈家石橋西文 告梓沙王地文

八年辛卯先
生年四十八

九年壬辰先
生年四十九

祖塋之次。輯喪婦王氏傳祝古卷
實論葬論。先生傳查醉白傳
平居凡過家忌皆
立忌月

春三月游天開園書獨立種祿大道
友人張松民攜海至米至天開園書次韻
盡歡而罷。冬長至祭上生名宇說南
後一日同人集南湖北墳祭議東溪寺具
瑤綸閣潘逸民過人記獨山遺韻記
訪
駁省過解送故友許
元五堂文

春三月渡江至山陰雨渡錢塘九日和許
弔劉先生。秋八月同大辛五憲亭登高詩
人復瑤綸閣。製竹社集和從吾道人韻
節冠有記。冬同人尋陳時夏郊居省母
復集瑤綸閣。是年陸姊家待竹園東山看
秋為子翼成嘉禮慶女歸示與兄致吳仲

沈氏兆鳳文

木書 誅查母許碩人

十年癸巳 先生夏大旱

十一年甲午 先生年五十一

年表

春正月同吳仲木至題廣孝寺 耶溪道
山陰校藏山先生遺中 五游 西谿詩 西
書於古小學與諸同湖書感 別劉伯繩世
學脩祀事。謁禹陵元序 卧草序 祭山
。再游雲門寺。二陰先生文 哭徐敬與
月還渡錢塘謁六忠 孝子文 答查石丈書
祠于湖上。送徐敬 致查靜生書 答陸
與之喪。秋九月率 慶京書 與吳仲木書
于翼過桐鄉時考夫 與老友董東隱書
舉空親社會于清風 生日自題小影
里延先生主其事。

屬定海張子游馬小巖

春同吳仲木至武林 臨平道中讀吳仲木日
。與祝二陶許大辛 譜 寓湖上書懷 和
諸人為輪歲之會以 仲西冷獨步 良夜
膳資池察來雲作山 吾道 答宋成夫書

十二年乙未
先生年五十二

中約。夏六月作大學。寄劉伯繩書。復徐微
辨。瑯一孫以詩。與之書。與蔡養吾書。
之。秋八月至黃山。竹冠記。送祝開美。并
登尊經閣。冬十一月。管山祭文。哭韓東文。
室祝開美與于翼經
理其事

輯山陰先生語錄。候考夫不至。每東隱
夏四月同張考夫沈翁歸山。登祝虛齋先
朗思朱韞斯會于翠生祠樓望海上諸山
薄山房。秋輯先世龍竹墳看桂。觀成偶
遺事紀略。作壽觀占。東里謠。病吟。
。朱韞斯過訪。述龍與吳仲木。考子書。寄
山近事。冬十月張劉伯繩書。復吳製仲
考夫復舉堂社於甌書。答沈朗思書。遺
山延先生為賓。時東祝鳳師兄弟書。送周
南社集。盛興先生並于和歸山陰序。哭亡
辭不赴。先生少腹僕願忠文
患一核病臥久之

十三年丙申
先生年五十三

夏六月螟

十四年丁酉
先生年五十四

春二月二十五日長
孫克魯生字震脩。
三月三日伯兄履貞
公卒年六十九。夏
五月會張考夫沈明
思于龍山

元旦壽母九十 壽沈
三叔七十 病中辱徐
邈思屢顧 夢訪劉
伯繼世兄 病起書懷
天地子與篇 志喜
篇 答吳泉仲書 卷
宋成夫書 哭伯兄文
哭董立翁文 自盜說
暮投鄒行素山居記
完壁議

春正月復至山陰訪東渡書感 游東阜
劉伯繼病伯繼留訂別業 集中野草堂
先生遺集。同劉子西渡書感 春游記
本謁烏陵。還至武容張考夫書 與吳公
林以陸麗京新婦謹仲書 再作湘冠記
歸補訂數條。著性送謝浮弟北上序
解禪障。三月過黃
山。作家約

十五年戊戌
先生年五十五

冬海溢

十六年己亥
先生年五十六

春三月過舊居候仲春賞咏山中次吳泉氏。同許大年欲漏仲韻。長夏蒲酬祝查石丈至淑城弔吳鳳師。寄張考夫書。氏兩夫人之喪還至。與吳襄仲書。與劉葆光居賞牡丹。韓伯繩書。與沈朗愚書。祝子開美道集序之。寄蔡養吾書。柳。作贅言。

柳州論。嫡庶喪服議。老實說。

春正月十四日仲兄春正書感寄祝眉老。孝章公卒年六十七。與祝鳳師書。復韓。得吳襄仲計往哭于有書。致張考夫書之。秋八月二十日母脉變記。哭仲兄文。葉孺人卒年九十三。哭吳襄仲文。

九月塋葉孺人于沈家石橋之西與覺菴公同地時先生欲深塋先塋並之吉遂改塋焉。

十七年庚子
先生年五十七

夏螟饑

夏卧河山齋。復至答徐孝先見懷重
枕清庄。登黃山嶺九日。簡友戲成。祭
閭重游真如寺。訪上壽祝伯母文
庚友董治升

十八年辛丑
先生年五十八

夏大旱。斗木枯死。斗夏六月與祝眉老避雨阻破山。游棹園
米四百錢。邑令姚公署姚曷菴山寓。冬。禱雨未應。感賦。和
慶以全灾報得。蠲糧過祝孝。庶幾以詩。曷公望雨詩。山中
銀萬五千兩有奇。民之。是年又殤一孫。呈眉老。道鶴山塘
因少蘇

祝子墓書感贈韓
石耕七夕海上看
菊送周子和東渡
祭陸伯母表孺人文

聖
康熙元年
先生年五十九

春三月大雨雹。夏春里中乏食。先生與
秋復旱

同志數人。貸粟于富事。陳彬子子季雅
室以賑之。秋過眉合傳

老山中看桂與同人
限韻賦詩。得臂淚

仁祖

皇 帝

二年癸卯 先夏復旱
生年六十

春正月三日設姚江山元日漫興 甲辰雪已
陰兩先生像拜之呈性已猶雪慮賦掃室四
解二篇。蔡伯璣過章贈凌員侯 次第
訪致壽儀却之。十七孫諸詩韻代園久
日同許欲爾查二雅至早 又詠題李靜初
武林訪陸夢明夢父于山樓 秋日漫成 連日
同獄中二公俱明孝廉飲花下道眉老 留致
景宣之諸父也。二月張石渠書 復朱康流
訪祝二陶于葆光居。書寄張考夫書 悼
三月入潞城便道訪王錢厚菴文 辭慶生
公維正。夏得書疾。帖
秋風疾始作時獨居楊
橋朝夕惟一小僮侍役
。八月復設王劉兩先

生像做古小學祭之。
投當事揭言水利整
埋二事。冬十一月至
武林寓天長寺訪陸
景宣陳貞倩沈朗
思

三年甲辰 先
生年六十一

夏六月二十六日雨雪
。閏六月三日海次入
城壕。秋八月三日
海潮大溢

春正月入黃山看梅
。二月復入山還同
許大辛登龍山宿祝
鳳師齋陪陸景宣。
同葉靜遠至半邇訪
張考夫錢雲稻。三
月游鹿苑寺。書序
經一百冊始畢。夏
過龍山為鳳師兄弟
書省言一則。冬十
月四日兄子枚卒年
四十二先生哭之慟

破帷病鳥和弟孫
春鳥未春鳴二十首
翠薄山房看梅贈
靜遠元日書感宗
祠即事大雪漫成
哭姜立姪文禔言

四年乙巳先
生年六十二

五年丙午先
生年六十三

六年丁未先
生年六十四

夏六月十七日地大
震次日地生白毛
秋大水潮溢

春二月往佛山送蔡元日過舊居書感
養吾之喪。是役也。敝屣補古詩大道
童子得一竹歸製杖為杖先生呼曰靈杖。
秋梁谿高彙梅過蔡養吾子傳佛山
訪靈杖記

春正月重葺楊梅堂十一月十七日早漫作
或招諸楊氏及宗族義社告成漫記想
同落之。時先生風疾寢加餘姚黃太冲
同陸永脩過訪言劉伯繩將莖先生曰吾不
能執紼引路有員良友涕淚為之交下

書潘烈婦碑文後

七年戊申先生年六十五

冬聞海鹽彭觀民先生之喪歸自江西先生同門友也病中為作歸骨記

八年己酉先生年六十六

夏龍風為灾

病夫前篇

九年庚戌先生年六十七

春正月二十八日雪夜流星燭地聲如雷夏四月大雨河水溢禾稼渰死

時先生久抱風疾動五月命童子出羣杖止常須人扶掖子翼拭之慨然有述與晝夜侍奉不離左右張考夫書

十年辛亥先生年六十八

夏大旱赤地

夏六月二十八日次元日悼亡兄二篇于永平年二十八無子以伯兄孫克舉後之

十一年壬子先生年六十九

秋霖雨傷稼生螟

元日

十二年癸丑先生年七十

春預作詩及書辭新春詩病夫後篇咸友之祝嘏者癸夏漫述

年表

十一

卷之四

十三年甲寅
先生年七十一

春正月霖雨至四月

十四年乙卯
先生年七十二

夏旱

十一月雪晴補壽老
友祝眉翁七十初度
詩

十五年丙辰
先生年七十三

夏霖雨害穀麥

姚江黃太沖書來
論性學先生力疾
作書答之

十六年丁巳
先生年七十四

夏五月轉脾泄證予
翼泣請醫治先生力
却之至七月初漸不
支命孫克堯書喪約
二紙呼從子易及許
子欲爾面授之餘無
所言然猶日起坐
至二十四日發吐二

次遂瞑然而逝。冬
合塋于沈家石橋西

半里祖塋之次移

姚江黃梨洲先生為

誌其墓

乾隆初紹興寺方空

回以嚴山講堂為念

臺劉公祠又以受業

弟子三十五人再傳弟

子一人配享鄧庶常

全紹衣為作碑先生

名在其列

璋案免床吳丈嘗為公作年譜別錄成帙頗極詳贍璋復本
其意稍為參補作年表一卷錄于遺集之首亦欲文簡事賅
以為論世之一助

乾初先生遺事

張

族元孫 敬璋 輯

楊園先生

履祥

言行見聞錄

陳乾初居家有法度天未明機杼之聲達於外男僕昧爽操
事無游惰之色子姪力行孝友雍雍如也

崇正甲申之變仗節死義者一二十人而外率皆汙偽命者
也其棄職守逃竄者猶為知廉耻事宏光時謀國者以軍
需不給首行鬻爵令甚至童生赴試者例納銀三兩免郡
縣考大江以南每提學出巡府庫成市海寧陳匪玄道永

曰此輸銀就試之心即異日迎賊獻降之本也父兄為子弟輸銀必不欲子弟之立節義子弟欲以是進取必不願以節義自勉人心如此天下復何幸乎

辛丑三吳旱瀕海高鄉禾盡槁來春乏食陳乾初貸米於富室以食里中之飢者不足又勸族人與鄉之富者出粟濟之且約曰鄉鄰之貧者得食陳氏粟陳氏之貧者無得食鄉鄰粟人咸義之

陳乾初有耕田之僕死哭之甚哀食不重味與人言及即淚

下為文一篇以告之詞甚真切

璋案公有哭亡僕願忠文見集中

任其妻

麻衣白兜頭近今待下不失恩義不多見也

祝開美將自盡出一帙授陳乾初曰此吾師所示筆札及師門講論吾所記錄者吾死子勿未能守今以付兄謹之勿失無恨矣

黃梨洲先生

宗義思舊錄

乾初以大學層累之學不出于孔子為學者所詳不知慈湖已有是言古人力行所至自信其心不須沿門乞火即以圖書為怪妄大學為別傳言之過當亦不相妨與勦罷成說者相去遠矣

乾初於先師門下頗能有所發明余丙辰至其家訪之時已病風不能下床信宿而返

朱竹垞先生

彛專經義攷

乾初戴山高第講學海虞晚著大學辨一篇於時聞者皆駭
桐鄉張履祥考夫山陰劉灼伯繩仁和沈蘭先甸華海鹽
吳蕃昌仲木交衫書爭之而乾初不顧具言大學言知不
言行格致誠正之功先後失其倫序且以朱子補傳一旦
豁然貫通近於禪空仍還戴記其言雖啼於衆心然其人
不失為躬行君子也

許季覺楹罔極錄

兩志孝友傳許楹字季覺全可少子幼有大志後從何商隱受業一洗衰

邁之氣居父母喪毀瘠倍至東南千里無不知許孝子者

陳乾初先生先君子之受業師也先生品行文章推重一時
一深痛世人惑於風水墓棺不葬著墓論喪實論諸篇大聲
一疾呼責人速葬其言激切誠懇有裨世教後舉葬社集諸
一姻黨之未葬者各贖金為會俾直收者挨次營葬具見錫
一類苦心遺文尚未付梓特錄此以廣其教

張元站

次仲

竹窗解頭錄

兩志儒林傳張次仲字元站天啟辛酉舉人私淑陽

明窮經好道自表讀書處曰待軒學者稱待軒順治中舉賢良方正以疾辭康熙十五年卒年八十有八

先生

里人私謚曰
文介徵君

陳匪玄名道永後改名確字乾初名家子弟善屬文食餼於
邑庠廉勁疾惡邑令曾某不飭簋簋一邑莫違乾初率先
白之臺憲屏其羽翼友人某狹邪為土棍羈絀乾初排衆
救出而後面責友人之非少年時遇事任性衣食言動不
能盡戢游叢山之門而歸為之一變安靜和好能以其學
教其子弟善篆刻摩簫彈棋諸技不以自詡不作佛事不
信堪輿自擇地之乾燥者葬其父祖倣古族葬之法家貧
止有田八十畝割其三分之一以與寡妹及孤姪母喪手書

孝經百卷以贈親友書法酷似孟頫而得晉唐遺意但以
大學爲偽書則嫌其多事耳晚年與余有同病之憐時相
詢候後患拘攣之疾不良於行桃李花時載酒乘籃輿二
子一僮肩之而趨往來阡陌與田夫野老占課晴雨遇竹
木翁鬱花艸鮮妍輒飲數杯頽然而醉余有鬱悶難遣或
天色晴好乘籃輿持竹榼晤談竟日而還年來力憊更甚
亦不能作此矣不知孰先著鞭也

長沙

全紹衣庶常祖望

子劉子祠堂配享碑

吳氏舊曰乾隆初紹興守方空

田以戡山講堂為念臺劉公祠春秋脩祀事以受業弟子三十有五人再傳弟子一人配享而屬鄉全紹衣庶常為之作碑

子劉子正命踰百年有祀典而無特祠大府方空田泚浙以為言時子方主戡山講席謂是故子劉子學舍也其生前嘗自稱戡山長則祠之莫良于此且合乎古之祭于先師者乃重新其堂奉栗主馬祠成率諸生行釋菜禮因議配享諸高弟子顧其弟子之見于遺書者甚多蓋殘明講學即以為聲氣之藉未必皆真儒勿敢濫也若其後人所稱為高弟子者

又多不審如劉公理順熊公汝霖皆非受業者而濫列之乃
諦定其學行之不媿師門者三十五人再傳弟子一人或反
不甚為世所知者乃甫三月而予去先是空田欲予校定子
劉子諸遺書因并撰戴山講堂小志至是不果則竟因子之
去妄芟去其中數人者諸生以為恨請予誌之石以存之乃
仿家語弟子行之例撮其大略為文一通存之祠中以志見
知之統三十五人者自海鹽吳先生麟徵以下曰海寧陳先
生確字乾初畸士也說經尤諤諤詳見墓誌銘右諸先生俱
卓然可傳于後者雖然諸高弟之死不過六十年而山中講

堂其誰為誠意三關之學則亦無有乎爾諸生登其堂能無
汗出浹背也耶